

**BOSNA I HERCEGOVINA**  
*Konkurencijsko vijeće*



**BOSNA I HERCEGOVINA**  
*Konkurencijski savjet*

## **R J E Š E N j E**

**po Prijavi namjere koncentracije privrednih subjekata Akcez Enerji Yatirimlari Sanayi Ve Ticaret Anonim Şirketi, Republika Turska i Sakarya Elektrik Dagitim A.S., Republika Turska**

**Sarajevo**  
**Juli, 2009. godine**



**Broj: 01-03-26-007-18-II/09**  
**Sarajevo, 21.07.2009. godine**

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05 i 76/07), rješavajući po Prijavi namjere koncentracije privrednog subjekta Akcez Enerji Yatirimlari Sanayi Ve Ticaret Anonim Şirketi, Miralay Şefik Bey Sokak Ak-HAN No.15 kat 3 oda no. 3 Gümüşsuyu/Beyoglu, Istanbul, Turska i privrednog subjekta Sakarya Elektrik Dagitim A.Ş. Orhangazi Caddesi, Trafo Istasyonu, Maltepe Mahallesi/ Adapazari, Republika Turska, podnesenoj od strane advokata Seada Miljkovića, Fra Anđela Zvizdovića 1, 71000 Sarajevo, zaprimljenoj dana 19.02.2009. godine pod brojem: 01-03-26-007-II/09, Konkurencijsko vijeće, na 91. (devedesetprvoj) sjednici održanoj dana 21.07.2009. godine, je donijelo

### **R J E Š E N j E**

1. Ocjenjuje se dopuštenom koncentracija koja ima utjecaj na tržištu proizvodnje električne energije u Bosni i Hercegovini kupovinom 100,0% vlasničkog udjela u privrednom subjektu Sakarya Elektrik Dagitim A.Ş. Orhangazi Caddesi, Trafo Istasyonu, Maltepe Mahallesi/Adapazari, Republika Turska od strane privrednog subjekta Akcez Enerji Yatirimlari Sanayi Ve Ticaret Anonim Şirketi, Miralay Şefik Bey Sokak Ak-HAN No.15 kat 3 oda no. 3 Gümüşsuyu/ Beyoglu, Istanbul, Republika Turska.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i biće objavljeno u „Službenom glasniku BiH“, službenim glasicima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 19.02.2009. godine pod brojem: 01-03-26-007-II/09, zaprimilo Prijavu namjere koncentracije (u daljem tekstu: Prijava) od strane privrednih subjekata ČEZ, a. s. Duhová 2/1444, Praha 4, 140 53, Češka Republika i Akkök Sanayi Yatirim ve Geliştirme A.Ş. Şefik Bey Sokak No: 15, Ak Han, Gümüflsuyu 34437, Istanbul, Turska (u daljem tekstu: ČEZ i Akkök), a koje zastupa advokat Sead Miljković, fra Anđela Zvizdovića 1, 71000 Sarajevo, Bosna i Hercegovina po kojoj privredni subjekt Akcez Enerji Yatirimlari Sanayi Ve Ticaret Anonim Şirketi, Miralay Şefik Bey Sokak Ak-HAN No.15 kat 3 oda no. 3 Gümüşsuyu/ Beyoglu, Istanbul, Republika Turska (u daljem tekstu: Akcez) namjerava kupiti 100% vlasničkog udjela u privrednom subjektu Sakarya Elektrik Dagitim A.Ş. Orhangazi Caddesi, Trafo Istasyonu, Maltepe Mahallesi / Adapazari, Republika Turska (u daljem tekstu: SedaŞ).

Podnosilac Prijave je istu samoinicijativno dopunio dana 20.02.2009. godine dopisom broj 01-03-26-007-1-II/08 i dana 04.03.2009. godine dopisom broj 01-03-26-007-2-II/09.

Uvidom u podnesenu Prijavu utvrđeno je da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“, broj 95/06), te je u skladu sa članom 31. Zakona Konkurencijsko vijeće zatražilo dopunu iste dana 19.03.2009.godine dopisom broj: 01-03-26-007-3-II/09 nakon čega je Konkurencijsko vijeće, na zahtjev Podnosioca prijave od 31.03.2009. godine dopis broj: 01-03-26-007-4-II/09, dana 01.04. 2009. godine dopisom broj: 01-03-26-007-5-II/09 odobrilo dodatni rok od 15 dana za dostavu tražene dopune Prijave.

Podnosilac prijave je djelimično u skladu sa zahtjevima Konkurencijskog vijeća dopunio Prijavu traženom dokumentacijom dopisom broj: 01-03-26-007-6-II/09 dana 20.04.2009. godine. Konkurencijsko vijeće zatim je ponovo uputilo zahtjeve za dopunu dana 22.04.2009. godine dopisom broj: 01-03-26-007-7-II/09 i dana 14.05.2009 godine dopisom broj: 01-03-26-007-9-II/09, nakon čega je Podnosilac prijave istu djelimično dopunio dana 30.04.2009. godine dopisom broj: 01-03-26-007-8-II/09.

Dana 26.05.2009. godine Podnosilac prijave je uputio zahtjev za produženje roka od dodatnih 15 dana za dopunu Prijave dopis broj: 01-03-26-007-10-II/09 (po zahtjevu za dopunom Konkurencijskog vijeća od 14.05.2009. godine) koji je odobren dana 27.05.2009. godine dopisom broj: 01-03-26-007-11-II/09.

Podnosilac prijave je, zatim predmetnu Prijavu dopunio dana 10.06.2009. godine dopisom broj: 01-03-26-007-12-II/09, dana 11.06.2009. godine dopisom broj: 01-03-26-007-13-II/09, dana 18.06.2009. godine dopisom broj: 01-03-26-007-14-II/09 i dana 23.06.2009. godine dopisom broj: 01-03-26-007-15-II/09.

Po prijemu tražene dokumentacije Konkurencijsko vijeće je utvrdilo Prijavu kompletnom i dana 30.06.2009. godine izdalo Potvrdu o prijemu kompletne i uredne Prijave broj: 01-03-26-007-16-II/09, u skladu sa članom 30. stav (3) Zakona.

Podnosilac prijave je naveo da je podnio zahtjev za ocjenu koncentracije tijelima ovlaštenim za ocjenu koncentracije u Ukrajini, Srbiji, Turskoj i Evropskoj komisiji, u smislu člana 30. stav (2) Zakona.

Konkurencijsko vijeće u postupku ocjene dopuštenosti koncentracije je utvrdilo sljedeće činjenice:

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

## **1. Učesnici koncentracije**

Učesnici koncentracije su privredni subjekti Akcez Enerji Yatirimlari Sanayi Ve Ticaret Anonim Şirketi, Miralay Şefik Bey Sokak Ak-HAN No.15 kat 3 oda no. 3 Gümüşsuyu/ Beyoglu, Istanbul, Republika Turska i Sakarya Elektrik Dagitim A.Ş. Orhangazi Caddesi, Trafo Istasyonu, Maltepe Mahallesi/Adapazari, Republika Turska.

### **1.1. Privredni subjekt Akcez Enerji Yatirimlari Sanayi Ve Ticaret Anonim Şirketi**

Privredni subjekt Akcez Enerji Yatirimlari Sanayi Ve Ticaret Anonim Şirketi, Miralay Şefik Bey Sokak Ak-HAN No.15 kat 3 oda no. 3 Gümüşsuyu/ Beyoglu, Istanbul, Republika Turska, osnovan 21.11.2008. godine, je društvo posebne namjere registrovano pod brojem 683905 u Odjelu za registar privrednih društava i registracije u Istanbulu.

Osnovna registrovana djelatost privrednog subjekta Akcez je investiranje u energetske sektor i razvoj projekata u sektoru eneogetike (prodaja kapaciteta električne energije i sl).

Vlasničku strukturu privrednog subjekta Akcez čine sljedeći privredni subjekti i to ČEZ sa 50,0%, Akenerji Elektrik Üretimi A.Ş. sa 45,0%, Akkök sa 4,9999992% i fizička lica Ali Raif Dinçök i Ömer Dinçök sa po 0,0000004% vlasničkog udjela.

Privredni subjekt ČEZ, a.s., Duhová 2/1444 Prag 4, poštanski prečinac broj: 140 53, identifikacijski broj: 452 74 649 registrovan je dana 06.05.1992. godine u Privrednom registru Općinskog suda u Pragu pod registarskim brojem B.1581. ČEZ je matično je društvo ČEZ Grupe koja predstavlja jedan od najvećih elektrokonglomerata u centralnoj i jugoistočnoj Evropi.

Osnovne djelatnosti privrednog subjekta ČEZ su: razvoj električne opreme, revizija električnih postrojenja, proizvodnja i distribucija električne energije, proizvodnja i distribucija toplotne energije i trgovina električnom energijom.

Privredni subjekt Akenerji Elektrik Üretimi A.Ş., Miralay Şefik Bey Sokak No: 15 Ak Han, Gümüşsuyu 34437 Istanbul, Turska registrovan je dana 12.05.1989. godine u Trgovačkom registru pod brojem 255005. U vlasništvu je privrednog subjekta ČEZ i Grupacije Akkok (koju čine privredni subjekti Akkök i Emniyet i fizička lica Ömer Dinçkök i Ali Raif Dinçkök) sa po 37,3% dok preostale dionice predstavljaju slobodan kapital i u vlasništvu su malih dioničara.

Osnovna djelatnost privrednog subjekta Akenerji je proizvodnja električne i toplotne energije, a njegovih povezanih privrednih subjekata su proizvodnja, prijenos, distribucija, kupovina i prodaja električne energije i uspostavljanje objekata za te svrhe, kao i aktivnosti veleprodaje i kupovine električne energije i/ili kapaciteta u zemlji u skladu sa relevantnim zakonskim propisima koji se odnose na električnu energiju.

Rješenjem broj 01-04-26-042-7-II/08 od dana 05.12.2008. godine Konkurencijske vijeća je ocijenilo dopuštenom koncentraciju kojom je došlo do stjecanja zajedničke kontrole privrednih subjekata ČEZ i Grupacije Akkok u privrednom subjektu Akenerji.

Privredni subjekt Akenerji nema supsidijarnih društava, niti je direktno ili indirektno aktivan na tržištu u BiH.

Privredni subjekt Akkök Sanayi Yatirim ve Geliştirm A.Ş., Miralay Şefik Bey Sokak No. 15 Ak Han, Gümüşsuyu 34437 Istanbul, Turska, registrovan je dana 27.06.1979. godine u Trgovačkom registru pod brojem 164750. Pod zajedničkom kontrolom je fizičkih lica Ali Raif Dinçkök i Ömer Dinçkök.

Osnovne djelatnosti privrednog subjekta Akkök su iz oblasti hemijske industrije, industrije tekstila, nekretnina, marketinga, izvoza, usluga posredovanja u osiguranju, usluga vezanih za restorane, luke, informacione tehnologije kao i na polju energetike.

Privredni subjekt Akkök nema supsidijarnih društava, niti je direktno niti indirektno aktivan na tržištu u BiH.

### **1.1.1. Povezana društva privrednog subjekta ČEZ u Bosni i Hercegovini**

Povezana društva privrednog subjekta ČEZ u Bosni i Hercegovini su privredni subjekti Nove elektrane Republike Srpske d.o.o. za proizvodnju i prodaju električne energije Gacko (u daljem tekstu: NERS Gacko) i ČEZ Bosna i Hercegovina d.o.o. Sarajevo (u daljem tekstu: ČEZ BiH).

Privredni subjekt NERS Gacko, Industrijska zona bb, Gacko, Bosna i Hercegovina registrovan je dana 22.12.2006. godine u Osnovnom sudu u Trebinju pod brojem rješenja 095-0-REG-06-000281.

Osnovan je zajedničkim ulaganjem od strane privrednog subjekta ČEZ (koji posjeduje 51% osnivačkog kapitala) i Elektroprivrede Republike Srpske a.d. Trebinje (sa učešćem od 49% osnivačkog kapitala). Planirano je da NERS Gacko započne sa aktivnostima u 2013. godini.

Pretežna registrovana djelatnost privrednog subjekta NERS Gacko je proizvodnja i prodaja električne energije.

Privredni subjekt ČEZ BiH, Fra Anđela Zvizdovića br.1, Sarajevo, Bosna i Hercegovina registrovan je dana 21.03.2008. godine u Općinskom sudu u Sarajevu pod brojem 65-01-0142-08 i u 100% je vlasništvu privrednog subjekta ČEZ.

Pretežna registrovana djelatnost privrednog subjekta ČEZ BiH je proizvodnja i prodaja električne energije.

Privredni subjekti NERS Gacko i ČEZ BiH još nisu započeli sa svojim poslovnim aktivnostima na tržištu Bosne i Hercegovine.

### 1.2. Privredni subjekt Sakarya Elektrik Dagitim A.S.

Privredni subjekt Sakarya Elektrik Dagitim A.S., Orhangazi Caddesi, Trafo Istasyonu, Maltepe Mahallesi /Adapazari, Republika Turska registrovan je dana 16.08.1995. godine pod brojm 10941 u Privrednoj komori Sakarya. U 100% vlasništvu je privrednog subjekta Türkiye Elektrik Dağıtım Anonim Şirketi, RepublikaTurska, koje se nalazi u državnom vlasništvu.

Osnovne registrovane djelatnosti privrednog subjekta Sedas su maloprodaja i distribucija električne energije.

Privredni subjekt Sedas nema registrovanih supsidijarnih društava na tržištu Bosne i Hercegovine niti je direktno ili indirektno prisutan na tržištu BiH.

## 2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila koncentraciji.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata) na osnovu podataka iz Prijave, na dan 31. decembar 2008. godine, su:

Tabela 1.

Ukupan prihod (KM)	ČEZ	Akenerji	Akkök	Sedaş
Svijet	(..)* <sup>1</sup>	(..)*	(..)*	(..)*
BiH	(..)*	-	-	-

\* Ukupan godišnji prihod povezanih društava ČEZ BiH i NERS

Budući da su učesnici koncentracije ispunili uslove u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) Zakona, bili su obavezni podnijeti Prijavu.

<sup>1</sup> (..)\* - podaci predstavljaju poslovnu tajnu

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnika koncentracije, na svjetskom i na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekata.

### **3. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata.

### **4. Pravni osnov i oblik koncentracije**

Pravni osnov predmetne koncentracije, propisan je članom 16. stav (1) Zakona, a u vezi sa članom 30. stav (1) tačka a) Zakona i članom 8. tačka f) alineja 3. Odluke o načinu podnošenja prijave i kriteriji za ocjenu koncentracija privrednih subjekata.

Pravni osnov koncentracije čini Ugovora o kupoprodaji dionica zaključen dana 11. februara 2009. godine između privrednog subjekta Akcez, potpisan od strane George Todoroff Karagutoff i Ahmet Ümit Danişman, i Direkcije za upravljanje privatizacijom Vlade Republike Turske u ime koje je Ugovor potpisao Metin Kilci, kojim privredni subjekt Akcez kupuje 100% vlasničkog udjela u privrednom subjektu Sedaş.

Pravni oblik koncentracije predstavlja sticanje kontrole jednog privrednog subjekta (od strane privrednog subjekta Akcez), nad drugim privrednim subjektom (nad privrednim subjektom Sedaş), u skladu sa članom 12. stav (1) pod b) Zakona.

### **5. Relevantno tržište koncentracije**

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Obzirom na navedeno, a na osnovu provedene analize relevantnih tržišta učesnika koncentracije Konkurencijsko vijeće je utvrdilo da se relevantnim tržištem proizvoda koncentracije smatra proizvodnja električne energije.

Relevantnim tržištem u geografskom smislu smatra se tržište Bosne i Hercegovine.

Slijedom gore navedenog, relevantnim tržištem koncentracije smatra se tržište proizvodnje električne energije u Bosni i Hercegovini.

## 6. Analiza relevantnog tržišta u Bosni i Hercegovini

U analizi relevantnog tržišta učesnika koncentracije i njihovih glavnih konkurenata, kao i procjenama tržišnih udjela korišteni su kao relevantni podaci Državne regulatorne komisije za električnu energiju Bosne i Hercegovine (u daljem tekstu: DERK) i podaci Podnosioca prijave.

Ukupna proizvodnja i potrošnja električne energije u 2008. godini u Bosni i Hercegovini prikazana je u Tabeli 2.

Tabela 2.

Procjena za 2008. godinu u (GWh)	EP BiH	EP RS	EP HZHB	Brčko Distrikt	BiH
<b>Proizvodnja</b>	<b>7.453,00</b>	<b>5.108,00</b>	<b>1.381,00</b>		<b>13.942,00</b>
Proizvodnja u hidroelektranama	1.501,00	1.942,00	1.375,00		4.818,00
Proizvodnja u termoelektranama	5.837,00	3.096,00			8.933,00
Proizvodnja u malim i industrijskim elektranama	115,00	70,00	6,00		12.241,00
<b>Potrošnja</b>	<b>4.855,00</b>	<b>3.484,00</b>	<b>3.300,00</b>	<b>290,00</b>	<b>12.241,00</b>
Distributivna potrošnja	4.205,00	3.310,00	1.370,00	290,00	8.855,00
Gubici prijenosa					312,00
Veliki kupci	650,00	160,00	1.930,00		2.740,00
Potrošnja rudnika		14,00			14,00

Izvor: DERK

Prema podacima DERK-a, na tržištu proizvodnje električne energije u 2008. godini u Bosni i Hercegovini najveći tržišni udio ima privredni subjekt Elektroprivreda Bosne i Hercegovine d.d. Sarajevo (EP BiH) sa 53,0%, privredni subjekt Elektroprivreda Republike Srpske a.d. Trebinje (EP RS) sa 37,0% te privredni subjekt Elektroprivreda Hrvatske zajednice Herceg Bosne d.d. Mostar (EP ZHB) sa 10,0% tržišnog udjela.

## 7. Ocjena koncentracije

Prema podacima iz Prijave, prije predmetne koncentracije učesnici koncentracije nisu direktno ni indirektno, putem drugih pravnih lica, učestvovali na elektroenergetskom tržištu BiH, a ni poslije provođenja predmetnog Ugovora neće imati nikakav uticaj na tržištu Bosne i Hercegovine.

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja Rješenja, ocijenilo da provođenje koncentracije na relevantnom tržištu neće imati direktnog uticaja na tržištu proizvodnje električne energije niti će doći do promjene tržišnih udjela na relevantnom tržištu jer se ne stvara i ne jača dominantan položaj na relevantnom tržištu, te je odlučilo kao u dispozitivu ovog Rješenja.

Uzimajući u obzir sve iznesene činjenice i podatke koji su prethodili donošenju Rješenja, Konkurencijsko vijeće je ocijenilo koncentraciju dopuštenom, u smislu člana 18. stav (2) tačka a) Zakona, kao što je odlučeno u dispozitivu ovog Rješenja.

## **8. Administrativna taksa**

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem („Službeni glasnik BiH“, broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## **9. Pouka o pravnom lijeku**

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

**Predsjednik**

**dr. Stjepo Pranjić**